

Saksbehandlar: Sissel Brusegård, Opplæringsavdelinga
 Sak nr.: 17/4036-2

Søknad om godkjenning som opplæringskontor - Direktoratet for forvaltning og IKT

Fylkesdirektøren rår fagopplæringsnemnda til å gje slik tilråding:

OK stat, Opplæringskontoret for statlege virksomheter i Oslo og Akershus, Grev Wedels plass 9, 0151 Oslo vert godkjent som opplæringskontor i Sogn og Fjordane i faga kontor- og administrasjonsfaget, IKT-servicefaget, byggdriftarfaget, sikkerheitsfaget, dataelektronikarfaget og mediegrafarfaget, under føresetnad av at lokal kontaktperson vert oppnemnd.

Vedlegg:

1. Søknad frå OK stat, Opplæringskontoret for statlege virksomheter i Oslo og Akershus
 Inkl. vedlegg:
 Kvalitetssystem for lærebedrifter i OK stat
 Vedtekter for OK stat, Opplæringskontoret for statlege virksomheter i Oslo og Akershus

SAKSFRAMSTILLING

1. Bakgrunn for saka

OK stat, Opplæringskontoret for statlege virksomheter i Oslo og Akershus, Grev Wedels plass 9, 0151 Oslo, søker i brev av 24.04.2017 om godkjenning som opplæringskontor i faga; kontor- og administrasjonsfaget, IKT-servicefaget, byggdriftarfaget, sikkerheitsfaget, dataelektronikarfaget og mediegrafarfaget. OK stat, Opplæringskontoret for statlege virksomheter i Oslo og Akershus, vart oppretta i 2013 som eit pilotprosjekt for å auka tal lærlingar i statlege bedrifter. OK stat blei oppretta som eit samarbeidsprosjekt mellom kunnskapsdepartementet og kommunal- og moderniseringsdepartementet. Frå 2017 er det ei fast ordning. OK stat skal auka talet lærlingar og lærebedrifter i staten. OK stat skal fremma lærlingordninga ovanfor statlege bedrifter og aktivt promotera staten som attraktiv lærebedrift.

2. Historikk

I Sogn og Fjordane er det i dag registrert 13 opplæringskontor med adresse i Sogn og Fjordane, og 15 kontor med adresse i andre fylke. Dei fleste av kontora i Sogn og Fjordane er fylkesdekkande bransjekontor innanfor sitt fagområde. Kontora med adresse utanfor fylket er i hovudsak godkjende for fag som ikkje har opplæringskontor i Sogn og Fjordane.

Retningslinjer for godkjenning av opplæringskontor

§ 4 - 3 i opplæringslova omhandlar godkjenning av lærebedrifter. I lovteksten heiter det: "Som lærebedrift kan godkjennast private og offentlege verksemder og organ for samarbeid mellom bedrifter som i fellesskap tek på seg opplæringsansvar (opplæringskontor eller opplæringsring)" Vidare heiter det i same §: "Lærebedrifta må vera fagleg vurdert av yrkesopplæringsnemnda før fylkeskommunen kan godkjenne bedrifta". For at eit opplæringskontor skal bli godkjent må dei enkelte bedriftene som inngår i kontoret vere godkjende av fylkeskommunen. Ei lærebedrift må kunne gje ei opplæring som tilfredsstillar krava i forskrifter etter §3 - 4 i opplæringslova om

innholdet i opplæringa. Når lærebedrifta er eit opplæringskontor skal dei samarbeidande bedriftene dokumentere at dei samla tilfredsstillende krava i forskriftene etter § 3 - 4.

Opplæringskontora skal ha vedtekter som fastset tilhøvet mellom kontoret og medlemsbedriftene. Vedtektene skal fastsetje kva den enkelte bedrifta skal gje av opplæring, og deling av tilskotet. Ei lærebedrift, her opplæringskontor, skal ha ein eller fleire fagleg kvalifiserte personar (fagleg leiar) som har ansvaret for opplæringa og at opplæringslova med forskrifter vert oppfylte. Det er lovfesta krav om ein eller fleire instruktørar i kvar enkelt bedrift.

Lokale retningslinjer

Fagopplæringsnemnda i Sogn og Fjordane vedtok i sak 06/10 lokale retningslinjer for handsaming av søknad om godkjenning av opplæringskontor.

Dei lokale retningslinjene er tufta på opplæringslova, og består av fylgjande 8 punkt:

1. Opplæringskontoret må ha vedtekter som fastset forholdet mellom kontoret og medlemsbedriftene. Desse skal fastsetje kva den enkelte bedrift skal gje av opplæring, og avklara deling av læringstilskotet mellom bedriftene. Vedtektene for opplæringskontoret skal ligga ved søknaden (jf . § 4 - 3 i opplæringslova).
2. Det skal gå tydeleg fram kva fag det blir søkt om godkjenning for.
3. Den enkelte medlemsbedrift i Sogn og Fjordane som inngår i opplæringskontor, må vera godkjend av fylkeskommunen.
4. Opplæringskontor som er lokaliserte i andre fylke skal ha lokal kontaktperson når dei søker godkjenning i Sogn og Fjordane.
5. Det er sterkt ynskje om at arbeidstakersida og lærlingane er representerte i styret i opplæringskontoret.
6. Det er ynskje om samarbeid med andre opplæringskontor i fylket.
7. Før godkjenning av nye opplæringskontor heimehøyrande i Sogn og Fjordane skal fagopplæringsnemnda gje fagleg vurdering.
8. Endringar i desse retningslinjene skal leggest fram for fagopplæringsnemnda.

3. Vurderingar

OK stat har utarbeidd vedtekter som ligg ved søknaden om godkjenning. Etter fylkesdirektøren si vurdering er desse gjennomarbeidde og utfyllande, og dei tilfredsstillende krava i opplæringsklova.

Når det gjeld krava i dei lokale retningslinjene er dei fleste punkta oppfylte med unntak av følgjande:

- Service og Samferdsel Opplæringskontor AS manglar lokal kontaktperson i Sogn og Fjordane, jamfør punkt 4.
- Det er uklart i kva grad opplæringskontoret har lærlingrepresentant i styret, jamfør punkt 5.

4. Konklusjon

OK stat, Opplæringskontoret for statlege virksomheter i Oslo og Akershus vert godkjent som opplæringskontor i Sogn og Fjordane innanfor omsøkte fag, under føresetnad av at lokal kontaktperson vert oppnemnd.